

欽定平定教匪紀略

欽定平定教匪紀畧卷三十六

二月十二日

癸卯

董誥等奏言竊

臣

等審辦逆案

節經奏明將首夥逆犯及殲斃病斃自盡各犯  
共二百十四名並應行緣坐犯屬及學習邪教  
知情不首並牽連逆案人犯共三百六十九名  
口先後奏明分別辦理嗣又據直隸總督並步  
軍統領等衙門拏獲各犯解送到部

臣等復經

訊明均應按律定擬除前經奏明待質之董惲  
太田馬兒劉輩兒祝林李玉隴韓達子劉興庭  
王四卽王廷瑞劉對兒宋玉林李盛得十一犯  
仍行監禁外郭維正卽郭爲畛周學治二犯均  
應擬凌遲處死梟首示衆耿大張梁張六禿子  
卽張泳才陳黑子李五卽李泳興五犯均應擬  
斬立決白三卽白大海屈麥子張八卽張八十

兒張二格卽麻第二張勇小曹二鄭得王黑子  
王白子劉寬白大全趙羣卽周羣十二犯均應  
擬斬監候秋候處決其入教爲從之張顯魁等  
八犯均發往新疆給額魯特爲奴應行緣坐之  
于幅祥楊楊氏等十四名口分別發遣爲奴奏  
入得

旨郭維正卽郭爲畛周學治著卽凌遲處死梟首示

衆耿大張梁張六禿子卽張泳才陳黑子李五卽  
李泳興著卽行處斬白三卽白大海屈麥子張八  
卽張八十兒張二格卽麻第二張勇小曹二鄭得  
王黑子王白子劉寬白大全趙羣卽周羣著斬監  
候秋後處決餘依議

上諭內閣曰林清逆案內助惡兇渠捕誅殆盡尙有  
祝現劉呈祥劉第五董伯旺支進才劉成章六犯

關係緊要迄今總未弋獲前經嚴飭步軍統領五  
城順天府各衙門督飭所屬勒限緝拏但該犯等  
形跡詭譎偵知查拏嚴密自必更易姓名潛蹤竄  
匿若非指認明確徒事海捕總難迅獲惟當多購  
眼目設法躡緝著步軍統領等衙門廣出示諭無  
論軍民人等有與祝現等六犯認識者到官報明  
能隨同番役將正犯指拏必奏明重加賞賚斷不

因其與逆犯識認致予波累卽向係習教之人亦從寬免其治罪該衙門卽購線嚴拏勿令要犯日久稽誅

二月十三日 邸方受疇奏言竊臣欽奉

上諭據長齡等奏報賊匪陳四等經祝廷彪等奮力剿捕殲擒淨盡陝省東路肅清豫省西界不須防堵著方受疇飛檄呢瑪善將所帶防兵撤回歸伍

等因欽此臣遵卽飛咨呢瑪善將原帶防兵一

千名卽日撤回歸伍臣仍督飭西路與陝省聯

界地方文武隨時留心偵察鎮靜撫綏至考城

縣地方毗連東省因該處間有土棍搶奪經臣

奏派遊擊楊景芬帶領汝寧營兵一百六十名

在交界之處駐紮查緝嗣據河北道趙麟稟稱

先後拏獲二十餘犯分別審辦現在邊境極爲



欽定四庫全書  
卷三十一  
四  
安堵臣隨將該處防兵飭令歸伍惟考城界連  
曹單向設城守兵十二名不敷防緝現派撥河  
北鎮標兵數十名前往該縣幫同巡查足資彈  
壓奏入報

聞

同日文孚康紹鏞奏審訊山海關盤獲司敬武  
葛洪才二案委無謀逆情事係由該處驍騎校

常永等刑逼誘供致成誣枉將司敬武等分別杖責遞籍省釋並請

旨將驍騎校常永交部議處防守尉德恒驍騎校隆福交部嚴加議處前任副都統額勒金布於所屬各員妄拏刑逼毫無覺察一併交部議處奏入得

旨該部議奏旋經刑部照所擬議覆兵部議請將額

勒金布降三級調用現以藍翎侍衛前往英吉  
沙爾辦事照例暫停開缺俟事竣回京再行具  
奏常承德恒隆福俱革職

上從之

二月十四日已勒保等奏言查直隸獨石口協  
已革都司曹綸與知逆謀一案該管上司毫無  
覺察應按在任年月分別懲處請將副將冬隆

武音登額總兵劉榮慶提督喜明馬瑜均行革職署提督毓秀福長安各降三級調用奏入得旨曹綸與林清等商同謀逆均係在京之日林清曾囑其在古北口招集人馬如曹綸在任竟有其事則該管上司獲咎甚重前經查明該犯在都司任內並無糾約匪黨該管上司失察之咎與祿康等不同所有部議革職各員均著加恩改爲革職留

任部議降三級調用各員均著加恩改爲降三級  
留任

是日董誥等奏言前據巡視中城御史奏盤獲  
張志玉一犯並搜獲鈔本書內有八卦名目訊  
係伊妻丁氏得之雇主王發賢家復於王發賢  
家起出經疏等項鈔本載有康熙年間

詔旨及另卷有白陽教主字樣當將王發賢及伊子王

業輝卽王氣五與同會之魏太平等先後解部  
臣詳加研訊緣王發賢家祖傳白陽會替人念  
經拜懺伊於乾隆年間從族兄王宣誦習經懺  
同會有高尙明高尙才張浩魏太平王自來王  
三位及王宣之子王德立媳王李氏並經王宣  
派令每年輪作八會將八卦字面認定會期週  
而復始王宣故後王發賢在會年長曾教過魏

太平等經懺所有按卦輪會之處實起自王宣  
並非該犯創始至該犯家藏書本經卷載有康  
熙年間

聖諭係伊故祖王之普留遺實非該犯偽造其白陽會  
名目亦非自該犯創立與林清並非同教委無  
勾結謀逆情事王發賢一犯聽從已故族兄王  
宣習會引誘愚民應照例發新疆給額魯特爲

奴魏太平等分別徒杖省釋擬結奏入

上從之

二月十七日申帑賽沖阿奏言查漢江南北各號  
匪徒均已次第掃除並無逃匿零匪現在陝省  
僅有龔貴零匪數百名折竄棧西已派副將何  
占鰲跟蹤追剿楊遇春仍親督官兵由小河口  
武關河一帶取道入棧探蹤攔截其吳抓抓一



股經總兵楊芳游棟雲擒斬殆盡而先期分出  
另股七八百人竄往畧陽一帶楊芳游棟雲現  
在分兵兜剿臣查該處與四川廣元昭化相近  
恐有零匪逃入川邊臣卽由華陽帶兵起程徑  
赴寧沔一帶相機堵剿庶川邊更臻鎮靜俟翼  
貴零匪及吳抓抓另股匪徒一律辦竣臣再與  
督臣長齡等會商善後凱撤事宜會銜具

奏一面卽將四川官兵就近由寧沔凱撤回川再

臣前在西鄉縣木竹壩地方剿除竄過漢江南  
岸青號股匪其擒獲逆首之外委任朝勝已蒙  
施恩陞賞此外實在出力弁兵謹遵

旨查明另繕清單恭呈

御覽可否加以鼓勵出自

皇上天恩奏入

上命軍機大臣傳諭賽沖阿曰此時漢江南北各股  
竄匪俱已掃除淨盡惟吳抓抓先期分出之另股  
賊匪七八百名竄往畧陽一路經楊芳游棟雲等  
分兵兜剿賽沖阿因該處與四川廣元昭化相近  
恐有逃匪竄至邊界由華陽帶兵徑赴寧沔一帶  
相機堵截所辦甚是賽沖阿在寧沔一帶駐劄遙  
爲聲援如賊匪竄近在百里內外卽率兵進擊就

地殲除如賊蹤尙遠該將軍毋庸帶兵深入總以  
緊顧西南勿使賊匪竄及川境爲要陝省除吳抓  
抓分股之譚貴張占鰲外惟有龔貴一股零匪竄  
入老林長齡楊遇春已分派將領前往搜剿計日  
亦可辦竣如長齡追賊南來距寧河在百里內外  
賽沖阿自可與長齡會晤一同奏報倘相距尙遠  
賽沖阿探聽長齡已由六百里加緊馳奏軍務完

竣則寧河一帶無庸駐兵卽帶領將弁兵丁凱撤  
回川

上諭內閣曰賽沖阿奏查明剿辦竄及漢江股匪出  
力官兵請旨量加鼓勵一摺賽沖阿由川省帶兵  
赴陝將漢江南北兩岸竄匪旬日之內掃除淨盡  
前已降旨將該將軍優加爵賞茲據查明木竹壩  
打仗出力弁兵遵旨保奏加恩著照所請重慶中

營遊擊楊逢春賞加副將銜先換頂戴遇有副將  
缺出儘先補用成都滿營佐領蘇勒芳阿留於川  
省遇有叅將缺出卽行補用先換頂戴成都城守  
叅將朱承受賞給驍勇巴圖魯名號黎雅營遊擊  
余步雲賞給銳勇巴圖魯名號成都滿營防禦富  
興漳臘營叅將蘇勒當阿提標左營守備王文衡  
均賞戴花翎城守營守備徐廷彪越嶲營守備張

必祿疊溪營守備冉玉龍署守備松潘中營千總  
趙國柱署守備督標中營千總趙廷耀均賞換花  
翎千總閔正相馬慶封查天瑞胡克繩把總錢玉  
春顏興龍卓允孚應元仲開祥王雄英委前鋒音  
德佈倭什胡訥外委楊椿吳耀彭貴額外外委李  
尙玉張光武馬兵達騰昭王國英劉德沛王德富  
向天才戰兵蕭貴守兵李玉春均賞戴藍翎遇有

千總把總外委缺出儘先拔補千總武魁蔣廷相  
劉興奎楊英李應龍均以守備儘先補用先換頂  
戴其辦理文案督運軍火糧餉之候補知縣許乃  
大准其遇缺卽補並賞戴藍翎以示鼓勵

二月十九日

庚戌

長齡楊遇春朱勲奏言竊查龔

貴股匪分竄老林

臣

楊遇春先派副將何占鰲

帶兵跟追嗣該匪復分兩股竄往隴州一帶

臣



長齡帶兵馳赴該處相機剿辦並派令總兵特  
依順保帶領步隊入林追剿隨據特依順保副  
將何占鰲等稟稱現在追賊相離僅五十餘里  
連日迎見逃出難民俱稱賊首龔貴與賊首向  
小一在東河橋會合各帶七八百人分路向徽  
縣兩當逃竄昨聞兩路官兵到來該匪等現合  
爲一股又欲逃往階州入川特依順保卽取道

利橋扼其入甘之路並令都司劉夢龍先赴三岔堵截副將何占鰲帶兵跟追以冀三面夾擊等語<sub>臣</sub>當飭催該鎮等連夜進攻副將何占鰲卽於是日夜間帶兵潛進黎明時趕至太寧溝腦老林該匪等尙未起竄一見官兵紛紛搶佔山梁我兵奮勇直前該匪吶喊抗拒相持一時之久殺斃賊匪數十名千總馬魁受傷陣亡兵

丁亦有傷亡遊擊劉印景都司杜縉胡超等帶  
領官兵適至左首山梁越在賊衆之上鎗箭齊  
發竭力下壓賊匪潰亂立斃三百餘名路窄賊  
衆紛紛滾跌我兵奮力剿殺又斃賊二百餘名  
拏獲活賊男婦四百餘名拋棄刀矛無數逃出  
賊匪數百名直奔利橋經特依順保帶兵迎擊  
都司劉夢龍亦由三岔進攻賊匪無路奔竄拏

命力敵我兵勇氣倍增三路齊攻立時殺斃二  
百餘名生擒賊目龍維通郎生虎楊貴陳紹宗  
鄧龍冉貴葛大旗劉大旗蔣大旗汪大旗李大  
旗並活賊三百餘名兵丁張文曹貴王宗禮何  
大貴李法勇黃長忠擒獲逆首龔貴並其妻龍  
氏全數搜拏淨盡於殺斃賊匪內令活賊認出  
逆首向小一割取首級並搶獲旗幟礮位刀矛

等件均送大營查逆首龔貴向小一均於上年十一月與楊二萬五等同時起事今仰仗

皇上天威將龔貴生擒向小一殲斃餘匪全行剿淨

洵足大快人心臣等卽將該逆龔貴凌遲處死

同向小一首級一併傳示起事地方以彰

國法其訊明真賊並龔貴之妻概予正法被裹男婦卽行省釋陣亡千總及傷亡兵丁照例咨部

再吳抓抓一股前經楊芳剿辦淨盡因吳抓抓  
分出另股之張占鰲先已逃竄經楊芳游棟雲  
跟蹤追剿該匪張占鰲共有九百餘人由黑河  
老林奔竄初六日自白水江邊路竄入嶽縣交  
界該鎮等由小路緊躡賊蹤仍留馬兵由大路  
攔截其吉林索倫官兵多有情愿徒步入山搜  
賊者於初八日行抵蘇家河灣探知賊甫起竄

卽督率滿漢官兵趕緊行走至徐家溝追及賊  
尾該處兩面皆山中隔小溪賊匪一見官兵先  
將東面山梁佔據我兵渡河該匪等搖旗下壓  
叅將王得勝都司朱泰增署都司孫光烈守備  
王金棟署守備陳圯楊殿元帶兵分爲兩路仰  
攻賊衆恃險擲石撲壓數次未能得手互有傷  
亡該鎮等率領奮勇官兵搶上山梁殲斃賊匪

六十餘名賊始少退該鎮見爲首賊匪一人執旗吶喊先令官兵剿除把總熊陞卽正龍兵丁李雲羅得勝突至賊前用矛戳斃賊衆驚潰官兵立即殺賊二百餘名捉獲活賊五十七名奪獲刀矛二百七十餘件尙有零匪越山爬嶺奔竄時已昏暮兵力亦須少歇把總熊陞兵丁羅得勝呈送首級一顆當令活賊認係僞元帥張



占鰲又據供稱該匪等本與吳孤孤一股自沔  
縣分爲兩股該匪卽由畧陽竄至嶽縣境內冀  
由階州入川因聞官兵扼住要隘不能前進正  
思遶道折回棧東奔七十二峪不料撞見官兵  
等語該鎮等當將活賊正法於五鼓分兵兩路  
搜追趕至先坪老林正值該匪起竄該處林箐  
深密我兵不能施放鎗礮署都司孫光烈唐大

德署守備李萬餘千總劉秉鈞把總趙鉞帶領  
官兵直前攻擊適分路之都司胡超署守備楊  
殿元等帶兵遶至賊前該匪腹背受敵力不能  
支從旁衝出林外捨命窮奔該鎮等激勵官兵  
緊躡賊尾追至石家嘴地方適副都統銜達斯  
呼爾岱金保等於大路攔截合兵一處奮力痛  
剿殺賊四百餘名生擒三百十九名全數剿淨

金史卷一百一十五 兵志一  
奪獲鳥鎗二十七桿刀矛五百餘件大小旗五  
十七面訊明正賊田貴等二百餘名俱行正法  
被裹難民交各寨首認領該鎮等因譚貴未經  
就獲復提取活賊再三研詰據供譚貴本在賧  
內聞官兵到來帶領十數人逃竄現在甘肅不  
能過去想是折回黑河老林藏匿該鎮等仍分  
兵嚴行搜捕務使不致漏網臣等查此時各路

成股賊匪俱已辦完惟譚貴傳老八龍正光喜  
兒劉濫子余姓尙未全行拏獲誠恐該匪等竄  
匿山林又復裹脅爲患臣長齡已飭知各路鎮  
將分投派兵搜捕臣楊遇春於留壩一帶老林  
派兵躡緝總須將賊首按名辦竣南山內外肅  
清再遵

旨會同將軍賽冲阿聯銜由六百里加緊具

奏再前奉

恩旨令將各路出力官兵並臣楊遇春剿辦麻大旗  
劉二股匪出力各員查明保奏現據楊芳游棟  
雲祝廷彪特依順保等四路將出力打仗官兵  
及隨營辦事文員開報前來臣長齡與臣楊遇  
春往返札商詳加查核謹分繕清單恭呈

御覽伏候

恩施至臣楊遇春所帶將備均已分派帶兵赴老林  
搜捕餘匪所有實在出力官兵俟該將等查明  
到日再行核

奏其總兵吳廷剛一路亦尙未據查明稟報再提  
督銜總兵楊芳前蒙

聖恩賞加誠勇巴圖魯名號嗣緣事革職茲蒙

恩錄用可否

賞還勇號之處出自

天恩

同日賽冲阿奏言竊

臣

遵查生擒紅號首逆羅

懷之遊擊余步雲節次隨同剿賊與叅將朱承

受同在前敵奮勇出力因該員等均帶有花翎

臣已將該二員懇請

賞給勇號今將隨同

臣

一路節次出力官弁兵丁遵

旨查明秉公保

奏另繕清單恭呈

御覽均奏入

上命軍機大臣傳諭賽冲阿長齡楊遇春朱勳日長齡等奏生擒逆首龔貴餘匪剿除淨盡並張占鰲股匪經楊芳等追剿殄除現在各路成股賊匪俱已辦完惟譚貴傅老八龍正光喜兒劉濫子余姓



欽定四庫全書  
卷三十一  
三  
數犯未經就獲該匪等竄匿山林若不迅速殲除  
恐又裹脅爲患長齡等派兵分路搜捕務須按名  
辦竣勿留遺孽長齡等察看南山內外全行肅清  
卽與賽沖阿等聯銜由六百里加緊馳奏發摺後  
賽沖阿卽可帶領弁兵凱撤回川其陝省善後事  
宜長齡與楊遇春等會商辦理布置周妥楊遇春  
先行來京謝恩長齡暫行留駐彈壓撫綏諸務大

定再行起程來京

上諭內閣曰長齡等奏生擒逆首龔貴又殲斃另股逆首張占鰲餘匪均已辦淨一摺陝省南山匪徒自上年十一月二十七日在岐山三才峽糾衆起事經巡撫朱勲奏到當派長齡楊遇春調集各路官兵分投剿辦節據剿除各股首夥惟餘逆首龔貴一股同穴賊向小一分帶匪衆七八百人竄往

兩當等處欲圖由階州入川又逆首張占鰲亦帶  
九百餘人竄往徽縣交界經長齡等派兵分剿晝  
夜窮追茲據奏特依順保及副將何占鰲等追剿  
龔貴向小一至太寧溝等處先經乘高下壓賊匪  
潰亂官兵分路圍攻立將龔貴生擒向小一亦臨  
陣殲斃其餘賊匪一千數百名均經殲獲淨盡又  
楊芳游棟雲一路追剿張占鰲至蘇家河等處見

有爲首賊匪一人搖旗吶喊當經指令官兵突前  
截斃餘衆盡潰官兵乘勝追擊適達斯呼爾岱金  
保等帶兵前來攔截將餘賊全數剿淨驗明殲斃  
之賊係張占鰲屬實此時陝省各股賊匪均已辦  
竣計前後不過兩月奏報歲功仰荷

天恩曷勝叩感長齡前在河南巡撫任內失察李文成  
等謀逆滋事本有應得之咎至現在陝省匪徒滋

事非伊任內之事自派令總統師干調度有方剋期蒞事自當宥其前愆加以懋賞長齡著加恩給予騎都尉世職並賞戴花翎楊遇春上年在滑城剿辦逆匪甫經蒞事卽馳赴陝省躬督將弁痛剿賊衆忠誠奮發所向克捷厥功甚偉楊遇春著加恩晉封爲一等男朱勲由本省藩司擢陞巡撫在陝年久失察匪徒滋事咎有應得念此次賊匪因

陝省兵將遠出始生心滋事該撫辦理軍火糧餉  
毫無貽誤並在峪口督率防堵朱勳除將功抵過  
外仍著加恩交部議敘至此次特依順保等一路  
官兵殲擒首逆二人並將餘匪辦淨甚爲出力適  
本日有黑龍江將軍一缺已降旨將特依順保加  
恩擢補仍著交部議敘副將何占鰲亦加恩交部  
議敘遊擊劉印景著加恩以叅將陞用都司杜縉

胡超劉夢龍均著加恩以遊擊陞用其生擒賊首  
之兵丁張文曹貴王宗禮何大貴李法勇黃長忠  
均著加恩以把總超陞楊芳帶兵到陝節次剿賊  
奮勉此次又將賊匪張占鰲一股辦淨甚屬勇往  
著加恩賞還誠勇巴圖魯名號仍交部議敘游棟  
雲達斯呼爾岱金保均著加恩交部議敘其殲斃  
賊首之把總熊陞邬正龍著加恩以千總陞用兵

丁李雲羅得勝著加恩以外委拔補其餘出力將  
領弁兵著長齡等秉公查明據實保奏並賞給長  
齡白玉翎管一個四喜玉搬指一個瑪瑙帶板一  
副黃辦大荷包一對小荷包二個賞給楊遇春白  
玉福壽牌一面四喜玉搬指一個瑪瑙帶板一副  
黃辦大荷包一對小荷包二個外發去帽緯五匣  
松石翎管五個琥珀翎管五個搬指套五個小刀



五把分賞出力官弁一兩重銀牌一千面分賞出力兵丁以示獎勵

上又諭內閣曰長齡等奏查明楊芳游棟雲祝廷彪特依順保等四路出力滿漢官兵分別開單請加鼓勵一摺加恩著照所請頭等侍衛色楞保賞給迅勇巴圖魯名號索倫佐領舒明阿賞給強勇巴圖魯名號索倫藍翎長德勒格爾桑吉林藍翎甲

兵鄂克敦保英山伊勒賡保長明保俱賞授藍翎  
侍衛准其留京分派在大門上駟院上虞備用處  
行走二等待衛金勤保陞爲頭等待衛先換頂戴  
吉林佐領永海西安佐領巴杭阿俱以協領陞用  
先換頂戴索倫藍翎驍騎校達布欣額賞換花翎  
索倫委筆帖式富勒洪阿瑚圖經額吉林前鋒校  
富僧保甲兵巴靈阿呢隆阿吉蘭保富太常安穆

金史卷一百一十五 列傳第五十五  
三  
騰額多隆武沙金保塔林保德林保德興阿敦倫  
保富成保富勒恒額索倫領催那漢德甲兵霍斐  
英額八十一福寧布巴彥珠拉珠爾松阿圖們泰  
薩依善西羅岱哈勒沁西敦徹西安驍騎校察廉  
布前鋒海寧俱賞戴藍翎索倫委防禦墨爾根保  
格寧達爾嗎藍翎長伊凌泰領催金成森壁鼐甲  
兵徹凌多爾濟吉林委防禦德成甲兵武成保俱

以額外驍騎校陞用副將何占鰲賞給捷勇巴圖魯名號遊擊候補叅將呂天俸賞給健勇巴圖魯名號都司蔡文瑾童順劉夢龍守備唐大德俱賞換花翎遊擊中福馬玉林方一彪都司党聯陞馬安邦守備候補都司劉允孝守備孫光烈俱賞戴花翎遊擊李白玉守備馬黼相雲騎尉蘇聯芳署守備之千總楊殿元溫成武進士李萬餘千總馬

俊張貴福把總黃傑邵萬得單仕佑陳泰趙良資  
李鳴鶴趙越吳登鰲熊陞外委秦吉李永璋王鳳  
鳴黃林袁成高槃趙祿吳逢安魏陞王存魁額外  
外委趙炳黃生梅王進泰趙天德馬兵孫學德蘇  
廷棻劉章向成吳士珍張全景福祿劉元和惠彪  
陳復盛黃金棟李信趙中魁花貴金張生貴楊文  
郭浩馬應奇林有李雲朱進國韓仲樞杜德福馬

雷李善繼劉宗玉林長清羅允聰劉玉超步兵潘  
升雷貴徐榮陞馬花張才牛正祿胡順任舉柯洪  
貴俱賞戴藍翎遊擊朱福壽顧應全俱以叅將陞  
用雲騎尉趙世芳以守備儘先補用其楊遇春吳  
廷剛兩路出力弁兵俟查明奏到時再降恩旨

上又諭內閣曰據長齡等將隨營辦理糧餉及督率  
團勇出力文員開單保奏加恩著照所請延榆綏

道敦良賞戴花翎候補同知向淮賞戴藍翎耀州  
知州姚令俞鳳翔縣知縣劉國柱賞換花翎張掖  
縣知縣楊翼武以同知直隸州補用先換頂戴候  
補知縣周廷芬遇有繁簡缺出卽行補用州同借  
補東樂縣丞陳沅以知州陞用先換頂戴候補州  
判余圖南寶雞縣丞吳崇執河橋主簿周礪以知  
縣卽用候補縣丞張錫祺於補缺後以知縣陞用

候補從九品徐允熙未入流陳堯書陸一濂均免  
補本班以府經歷縣丞陞用捐職從九品楊立昌  
歸部以本班儘先選用

上又諭內閣曰賽沖阿奏查明節次出力官弁據實  
保奏一摺昨據賽沖阿將木竹壩打仗出力弁兵  
保奏業經降旨加恩茲又將追剿漢江北岸股匪  
生擒紅號首逆羅懷並痛剿綠號匪徒之出力官



弁兵丁等查明開單請旨加恩著照所請開復遊  
擊向春煦候補遊擊楊登魁俱已遊擊儘先補用  
千總羅貴以守備儘先補用千總嚴登第賞換花  
翎以守備儘先補用把總楊映春李萬春賞換花  
翎以應陞之缺儘先補用驍騎校哲庫訥委前鋒  
校慶祥委前鋒懷塔佈甲兵祥瑞把總劉中林馬  
成章外委余文斌李澍達額外外委馬含英江文

貴外委徐世魁王正剛廖懷馬兵李思德李世玉  
曹起坤王金壽徐貴武戰兵吳興隆董福俱賞戴  
藍翎以應陞之缺儘先拔補試用守備馬廷楷候  
補守備雲騎尉鄭起能署千總雲騎尉何定國俱  
以守備儘先補用其辦運軍火糧餉之州同王登  
墀著賞戴藍翎以知州卽補

是日

上又諭內閣曰火器營官兵上年派赴豫省軍營剿賊出力經那彥成等保奏加恩陞擢及賞花翎藍翎勇號者甚多本日兵部議卹官兵單內復有火器營陣亡護軍伍忠額等四名該官兵此次出兵實屬勇往伍忠額等捐軀行陣尤堪憫惻除照例卹賞外著該旗營查明伍忠額瑚松阿海洪阿伊勒杭阿四人之子如無差使者卽行賞給養育兵

錢糧年已及歲卽挑補護軍如該兵丁並無子嗣准其將承繼之子一例挑補以示恩卹

二月二十日 奏朱勲奏言查盤屋沔縣畧陽鳳

縣寶雞等五縣山內上年包穀青空業經奏蒙

恩旨於今春賞給兩月口糧其洋縣西鄉城固褒城

留壩五廳縣上年包穀尙有薄收是以止借口

糧未請撫卹今該廳縣山內有被賊蹂躪村莊

隴州之香泉等村亦經擾及仰懇

皇上天恩俯准將洋縣等六廳州縣被賊蹂躪村莊  
賞給兩月口糧其該廳縣及蓋屋等五縣被賊  
村莊春徵應完錢糧並請緩至麥收後徵收

朱勲又奏言查南山匪徒滋事仰蒙

皇上天恩派令得勝之師來陝剿辦賊匪以次殲除  
不日即可蕝事目下情形誠如

聖諭當以迅速安民爲要務查平原及北山各屬蒙  
恩借糶倉糧並勸諭紳士捐貲周卹已飭該管道府  
親往查辦至南山包穀青空

奏蒙

恩准於今春分別賞給口糧現在未經被賊處所應  
賑戶口該地方官已造冊詳報業經發給銀兩  
委員散放其被賊處所惟蓋屋洋縣兩處所屬

山內地方賊匪往來奔竄至本月初間將苗小  
一股匪剿淨該兩縣境內始能寧謐若俟委員  
查造戶口再行發銀散放恐致窮黎失所臣已  
先期札調賑銀派委誠實可靠之員分投入山  
隨查隨散其有地無力之戶仍酌借籽種以資  
耕作又恐老林內尙有藏匿餘匪並酌發賞銀  
令委員帶往隨處鼓勵寨勇入林搜捕此外被

賊州縣亦經委員速往辦理至南山內多有外省游民去來無定向不編入烟戶冊籍惟本年木廂停工該游民等謀生無計自應仰體

皇上燾覆仁恩一體給賑但恐具領之後又復流而

爲匪臣現通飭印委各員將山內游民有地主收留者給以卹撫其無地主收留者卽行帶出山外暫給餽粥俟軍務完竣酌給口糧遞回原



籍使之零星散回鄉里俾免滋生事端奏入

上諭內閣曰朱勲奏被賊滋擾村莊懇請撫卹緩徵  
一摺陝省被賊滋擾各廳州縣除蓋屋等五縣前  
經降旨賞給兩月口糧外其洋縣等五廳縣亦均  
賞借口糧窮黎餬口有資自可無虞失所惟念該  
廳境內亦有被賊處所居民甫經復業未免拮据  
著加恩將洋縣西鄉城固褒城留壩五廳縣山內

被賊蹂躪村莊並被賊擾及之隴州香泉等村一體賞給兩月口糧其該廳縣及盤屋沔縣畧陽鳳縣寶雞等五縣被賊村莊春徵應完錢糧俱緩至麥收後徵收以紓民力

上命軍機大臣傳諭朱勲曰朱勲奏辦理撫卹情形一摺此次南山匪徒滋事皆由年歲荒歉木廂停工饑民無所餬口因而聚集滋擾在愚民畏死倖

生初不過欲苟全性命殊不知轉於溝壑尙可終其天年今大兵所至悉數誅夷玉石俱焚不但真賊無可逃生卽脅從亦不能倖免兩月來就戮纍纍駢首殆不下數萬雖死者皆係亂民情形實亦可慘然當其肆惡之際猖狂無忌靡所不爲山內善良遭其荼毒者又不知若干思之又實可恨伊等固孽由自作而前此不能撫綏安輯化導頑愚



贍其口食倘或過於區別致令枵腹無依寧不慮其流而爲匪良民又爲賊矣況將來果有不安本分者亦不難隨時繩以王法此外或資遣回籍或編入保甲一切隨宜經理務使免於蕩析不致再滋事端現在長齡卽須陞見來京該撫惟當督率地方官認真妥辦總當視國事如家事實心實力不憚煩勞果能多所救全則不但仰副朕保赤之

誠伊等自積陰陽亦復不淺矣